

Universidadnan Hulandes lo duna tur apoyo na Universidad di Aruba

ORANJESTAD(AAN) — Recientemente mr. Piet Pronk a haci un viahe di trabao pa Hulanda pa busca ayudo y cooperacion pa e Universidad di Aruba cu lo habri na September proximo. Tin palabracionnan haci cu varios Universidadnan Hulandes pa den futuro Aruba por haya docentenan y "gasthoogleraren" pa e facultad juridico. Na Huta reina un impresion positivo pa cu e inauguracion di e instituto universitario na Aruba y tur cooperacion necesario a ser priminti.

Principalmente na principio di e parti doctoraal cu lo cuminsa despues di dos aña, lo ta necesario pa nombra docentenan principal pa e manteria-nan derecho civil, derecho penal y derecho politico.

E procedura pa nombra e docentenan menciona mester ser inicia hopi tempran. Varios profesor-nan renombra a ofrece nan ayudo pa duna con-seho ariba e tereno aki. Por menciona nomber-nan manera Prof. mr. H.C.F. Schoordijk di Universidad Catolico na Brabant; Prof. mr. P. Hoef-nagels di Erasmus Universiteit na Rotterdam; Prof. mr. A.V. M. Struy-cken di Universidad Catolico di Nijmegen y Prof. mr. T. Schalken di Vrije Universiteit di Amsterdam.

E profosornan men-ciona a priminti di yuda busca un cantidad di "gasthoogleraren" ken-den anualmente por duna un materia, specialisa (keuzevak) duran-te un periodo cortico na e Universidad Arubano.

Varios profesor-nan y docentenan principal a ga-rntisa señor Pronk cu nan lo haci nan specialisacion

na Aruba. Esaki lo contri-bui den e calidad di e enseñanza na e Universi-dad di Aruba.

Mr. Drs. P. Pronk lo bira e rector pa e Uni-versidad di Aruba, mien-tras cu e docentenan pa e parti di "kandidaatsstu-die" lo ser nombra pron-to pa Gobierno di Aruba.

E Universidad di Aruba no ta solamente pa stu-diantenan, pero otro per-sonanan manera jurista-nan lo tin e oportunidad pa atende cierto topico-nan (keuze onderwerpen) cu lo ser duna pa specialis-tanan di exterior y e char-lanan lo por ser atendi pa tur otro interesadonan.

No solamente cu e Uni-versidad di Aruba lo bay coopera cu otro instituto-nan renombra den e region manera Universidad di Anti-yas, pero tambe lo bay tin cooperacion estrecho cu institutonnan similar na Hulanda.

Señor Pronk durante su estadia na Hulanda a haci e promer contactonan ya cu esaki ta di sumo valor pa e mundo di juris-tanan di Aruba y tambe pa esnan cu den futuro lo partici-pa na e actividadnan di e Universidad Arubano.

INFORMATICA
E uso di computer a ma-nifesta su mes tambe den e sector juridico. Mas y mas ta ser haci uso di computer y mayoria di facultadnan ta incluyendo e materia informatica den nan pro-grama di estudio.

Ya durante nan estudio e estudiantenan ta cera co-noci cu e normanan basico di informatica y ta siña traha cu computer.

For di awor caba mester wak con leu por inclui e materia informatica den e facultad juridico di Aruba. En todo caso lo mester tin un introduccion pa e juristanan.

Na Hulanda actual-mente e agencianan di computer ta obsequia e aparatura necesario na e Universidad. E uso di com-puter lo continua despues di e estudio di un jurista, pues e agencianan lo tin e oportunidad pa continua cu nan actividadnan co-mercial.

Gruponan specialisa na Hulanda den e ramo di in-formatica a ofrece tur ayu-do pa yuda set up e pro-grama di estudio y tambe pa establece un localidad practico pa e materia aki. Ta ser spera cu ora ta asina leu cu agencianan local di computer por duna tur cooperacion.

Prof. mr. R. de Mulder di Erasmus Universiteit lo ta un di esnan kende lo yuda prepara e estudio informatica. Realisacion di e programa di estudio aki lo por tuma lugar den e tercer aña.

E biblioteca juridico tambe lo por haci uso di e facilidatnan di automa-tisacion ya cu por pro-grama e tipo di revista-nan y bukinan den com-puter y asina e servicio di e biblioteca lo bay na un manera rapido y efie-ciente.

Drs. Pronk a haci e con-tactonan necesario cu bi-bliotecarionan di bibliote-canan juridico di universi-dadnan y tambe a papia cu representantenan di e seccion juridico di e Bi-blioteca di Reino na Den Haag. E contactonan aki ta haci cu den futuro e Uni-versidad di Aruba ta na altura di e ultimo lite-ratura cu ta ser publica y asina e biblioteca juri-dico lo ta up-to-date ariba tereno di literatura.

OPEN UNIVERSITEIT

Durante su estadia na Hulanda señor Pronk a papia tambe cu represen-tantenan di Open Universi-teit. Aruba por haci uso di e material di estudio di e Universidad aki y tambe por incorpora un asina yama Centro di Estudio (studiecentrum) den e Universidad Arubano.

Cada persona por scoge un of mas curso y asina engrandece su conoci-miento ariba cierto tere-nonan. E tipo di estudio aki yama zelfstudie y por obtene un diploma recono-ci sea di doctoraal of h.b.o (hoger beroepsponderwijs). E estudio ta ser finalisa cu un tentamen. Como cu e estudio ta consisti di dife-rente cursonan separa, un estudiante por combina cierto cursonan y asina

forma su propio estudio manera ariba tereno di sociale wetenschappen, be-drijfs en bestuurswetenschappen y cultuurwetenschappen.

Cada curso lo costa mas o menos Afl. 250,- den cual ta inclui tambe uso di e facilidatnan di e centro di estudio y gasto-nan pa tentamen.

Den futuro lo haci un investigacion si e curso-nan asina por ser ofreci na Aruba, apesar cu for di awor caba mester mira e sistema aki di Open Universiteit como un gran posibilidad pa ser incorpo-ra den e Universidad Aru-bano.

UNIVERSIDAD DI ARUBA.

Te na e momento aki como 40 candidatonan a inscribi nan mes pa tuma parti na e Colloquium Doc-tum na Mei proximo. E Esaki ta demostra cu tin un interes grandi pa sigui un estudio di ley. Tambe tin interes grandi di parti di esnan kendenan tin di-ploma di por ehemplo di V.W.O.

E personanan aki ta ser admiti automaticamen-te na e Universidad. E in-scripcion mes lo cuminsa desde 9 di Mei proximo, despues cu e guia di estu-dio pa 1988-1989 ser pu-blica.

Via medionan di comu-nicacion lo publica e fecha exacto pa inscripcion. Ariba 18 di April proximo lo cuminsa cu e trabaonan

di renovacion di Huize de La Salle y segun calculo-nan e trabao mester ta cla mas o menos 5 di Augus-tus. E apertura oficial di Universidad di Aruba ta planea pa tuma lugarariba 9 di September proximo.

Ta ser spera na Mei pro-ximo e "ontwerp landsver-ordering Universiteit Aru-ba" lo ser entrega na Par-lamento di Aruba.

Actualmente ta ser spera ariba un reaccion ofi-cial di College di Cura-toren di Universidad di Antiyas ariba e proposi-cionnan encunto coope-racion entre U.N.A. y U.A. Ta existi caba un coopera-cion entre e dos universi-dadnan, solamente falta pa yega na un acuerdo di cooperacion definitivo.

Gobierno di Aruba ta studiando actualmente e proposicion pa yega na un College di Curatoren pa e Universidad Arubano. Pronto un decision al res-pecto lo ser tuma.

E artista Hermien Abath a diseña e logo pa e Universidad den cual ta aparece e leternan U.A., e abreviacion pa Universidad di Aruba.

Mester menciona cu e viahe pa Hulanda realisa pa mr. drs. P. Pronk tabata uno hopi pisa ya cu e pro-mer rector a establece con-tactonan valioso cu dife-rente universidadnan y in-stitutonan renombra na Hulanda cualnan a primin-ti tur ayudo y cooperacion pa cu e Universidad di Aruba.



It's your Lucky Day!

AT
**ARUBA
PALM BEACH**
HOTEL AND CASINO



NEW BINGO

1) Afl. 100,00 2) " 200,00 3) " 300,00 4) " 500,00 5) " 600,00	6) Afl. 100,00 7) " 200,00 8) " 300,00 9) " 500,00 10) " 600,00
--	---

Spot Light Special Full Card. **Fls. 5000,-**

Price

Doorprizes:

- 1) Dinner for two Caribbean B.B. Night
- 2) 3 Free Bingo Cards for the following sunday
- 3) US\$ 25.00 in dollar tokens in the intermission
- 4) 3 Free Bingo Cards again for following Sunday
- 5) Two Free Tickets Paul Tood Show.

Ademas di esey JACKPOT lo paga dobbel durante ora di intermedio y despues di ultimo wegá.



TUR DI A DOMINGO



di 4'or pa 8'or p.m.



Giselle

TEL: 27104.

E siman aki "GISELLE" a ricibi
Hopi mercancia.
BISTIR deftig y di catuna.
Pa mucha nos a hanja SET DI SHORT
BISTIR y hopi FANTASIA
di ultima moda.
Pasa liher na "GISELLE"

